



МОНГОЛ УЛСЫН
ЭРҮҮЛ МЭНДИЙН САЙДЫН
АЛБАН ДААЛГАВАР

2020 оны 01 сарын 22 өдөр

Дугаар 19

Улаанбаатар хот

Г Шинэ коронавирусийн халдвартын
болзошгүй эрсдэлээс урьдчилан сэргийлэх,
бэлэн байдлыг хангах тухай

2020 оны 01 дүгээр сарын 22-ны өдрийн Дэлхийн эрүүл мэндийн байгууллагын албан ёсны мэдээгээр шинэ коронавирусийн халдвараар 282 хүн өвчилж, 6 хүн нас барсан ба Тайландын Вант Улсад 2, Япон улс, БНСУ-д тус тус 1 тохиолдол зөөвөрлөгдсөн байна.

Мөн АНУ, Австрали, Филиппин улсад өвчлөл бүртгэгдсэн тухай албан бус мэдээлэл байна. БНХАУ-д эрүүл мэндийн ажилтнууд өвчлөлд өртөж, агаар дуслын замаар халдвар дамжих эрсдэлтэй байгааг тогтоогоод байна.

Иймд шинэ коронавирусийн халдвартын болзошгүй эрсдэлээс урьдчилан сэргийлэх, тандалт, эмнэлгийн тусламж үйлчилгээ, хариу арга хэмжээний бэлэн байдлыг ханган ажиллахыг ДААЛГАСУГАЙ. Үүнд:

Нэг. Нийгмийн эрүүл мэндийн газар /Т.Энхзаяа/, Халдварт өвчин судпалын үндэсний төв /Д.Нямхүү/-д:

1. Шинэ коронавирусийн халдвар зөөвөрлөгдөн орж ирэх эрсдэл, нөхцөл байдалд тухай бүр эрсдэлийн түргэвчилсэн үнэлгээ хийж, хариу арга хэмжээг зохион байгуулах;
2. Эрсдэлийн зэрэгт үндэслэн шуурхай удирдлагын чэгийн үйл ажиллагааг идэвхжлийн горимд шилжүүлэн ажиллах;
3. Шинэ коронавирусийн талаарх албан ба албан бус мэдээллийг шүүж, эрүүл мэндийн байгууллагуудыг холбогдох мэдээ, мэдээллээр хангах;
4. Амьсгалын замын хүнд халдвартын эмнэлэгт сууринсан тандалтыг эрчимжүүлж, хүнд хэлбэрийн тохиолдол бүрийг лабораторийн шинжилгээгээр баталгаажуулах;
5. Шуурхай хариу арга хэмжээний 3-4 багийг бэлтгэж сургах;
6. Цаг үеийн нөхцөл байдлын талаар цахим хурал тогтолцол хийж, эрүүл мэндийн байгууллагуудыг мэргэжил арга зүйн удирдлагаар хангах;
7. Мэдээлэл сурталчилгааны цуврал зөвлөмж, сэрэмжлүүлэг боловсруулан тогтолцол түгээх.

Хоёр. Эмнэлгийн тусlamжийн газар /Я.Буянжаргал/, Эх хүүхдийн эрүүл мэндийн үндэсний төв /Ш.Энхтөр/-д:

1. Эмнэлгийн тусlamж үйлчилгээ, ялангуяа тусгаарлах, эрчимт эмчилгээний тасгийн эм, эмнэлгийн хэрэгслийн бэлэн байдлыг хангах;
2. Шинэ коронавирусийн эмнэлзүйн халдварын сношилгоо, эмчилгээний зөвлөх багийг томилон ажиллуулах;
3. ХӨСҮТ-ийн шинэ болон сэргэж буй халдварын тасгийн эмчилгээ үйлчилгээний бэлэн байдлыг хангах;
4. Шинэ коронавирусийн эмнэлзүй, оношилгооны чиглэлээр эмч мэргэжилтнүүдийг сургах.

Гурав. Эм үйлдвэрлэл, технологийн газар /Н.Гэрэлт-Од/, Зоонозын өвчин судлалын үндэсний төв /Н.Цогбадрах/-д:

1. Яаралтай тусlamжийн эм, эмнэлгийн хэрэгсэл, багаж тоног төхөөрөмж, хувийн хамгаалах хувцас хэрэгсэл, амны хаалт, оношилтуур, урвалж, халдвартгайтгэлийн бодисын нөөцийн бэлэн байдлыг хангах;
2. Эрүүл мэндийн байгууллагын эрчимт эмчилгээний тасгийн тоног төхөөрөмжийн судалгааг гарган, бэлэн байдлыг хангах;
3. Нэн шаардлагатай эм, эмнэлгийн хэрэгслийн нөөцлийн судалгааг гаргах;
4. Вирусийн эсрэг үйлчилгээтэй ариутгал, халдвартгайтгэлийн бодисын нөөцийг гарган, бэлэн байдлыг хангах.

Дөрөв. Төрийн захиргааны удирдлагын газар/ Б.Цогтбаатар/, Эрүүл мэндийн хөгжлийн төв/ Б.Нарантуяа/-д:

1. Шаардлагатай үед нэмэлтээр дайчлан ажиллуулах эмч мэргэжилтэн, эмнэлгийн ажилтны судалгааг гаргаж сургалтад хамруулах;
2. Анагаахын чиглэлээр суралцаж буй резидент эмч, төгсөх ангийн оюутны судалгааг гарган, дайчлан ажиллуулах төлөвлөгөө гаргах;
3. Шинэ коронавирусийн тандалт, эрт илрүүлэг оношилгоо, эмчилгээ, халдварын хяналт, сэргийлэлтийн талаар эмч мэргэжилтнүүдэд сургалт зохион байгуулах.

Тав. Нийгмийн эрүүл мэндийн үндэсний төв /Д.Нарантуяа/-д:

1. Шинэ коронавирусийн талаарх хүн амын дундах ой голт, хандлагыг тандаж, тухай бүр нь хариу арга хэмжээ авах;
2. Хэвлэл мэдээллийн хэрэгсэл, олон нийтийн сүлжээнд тандалт судалгаа мониторинг хийж, тухай бүр нь тайлбар, запруулга, мэдээлэл хийж байх;

3. Эрсдэлийн харилцаа холбоог эрчимжүүлж, өдөр тутмын нөхцөл байдалтай уялдуулан зөвлөмж, сээрэмжлүүлэг гарган түгээх.

Зургаа. Бүх шатны эрүүл мэндийн байгууллагын дарга, захирагч наст:

1. “Хүний Коронавируст халдвартын тандалт, оношилгоо, эмчилгээ, халдвараас сэргийлэх” заавар батлах тухай Эрүүл мэндийн сайдын 2015 оны 242 дугаар тушаал, ДЭМБ-ын түр зөвлөмжийг хэрэгжүүлэн ажиллах /Зөвлөмжийг хавсаргав/;
2. Амьсгалын замын халдвартын тандалтыг эрчимжүүлж, хүнд хэлбэрийн тохиолдол бүрийг ХӨСҮТ-д мэдээлж, лабораторийн шинжилгээнд сорьц илгээн оношийг баталгаажуулах;
3. Үйлчлүүлэгч бүрийг амны хаалт зүүлгэх нөхцөлөөр ханганд кэвшүүлэх;
4. Амьсгалын замын халдвартай үйлчлүүлэгчдэд эмнэлгийн тусламж үйлчилгээ үзүүлэх замын зураглал гаргаж, үйлчлүүлэгчдийн урсгал хөдөлгөөнд зохицуулалт хийх, халдвараас сэргийлэх, халдвартын дэглэнийг баримтлах;
5. Тусгаарлах болон эрчимт эмчилгээний тасаг, эм эмнэлгийн хэрэгслийн нөөцийг бүрдүүлж, бэлэн байдлыг хангах;
6. Эрүүл мэндийн байгууллагын ажилтнуудын дархлааг дэмжих, амин дэмээр хангах зэрэг арга хэмжээг авах;
7. Орон нутгийн хил, гааль, мал эмнэлэг, мэргэжлийн хяналтын байгууллагатай мэдээллийг шуурхай солилцон, хариу арга кэмжээг зохион байгуулах;
8. Хилийн нэвтрэн орох цэгтэй аймгууд мэргэжлийн хяналтын байгууллагатай хамтран зорчигчдод зөвлөмж өгч ажиллах.

Энэхүү албан даалгаврын хэрэгжилтийг 14 хоног тутам гарган Эрүүл мэндийн яамны Төрийн нарийн бичгийн даргад ирүүлж байхыг холбогдох газар хэлтсийн дарга, бүх шатны эрүүл мэндийн байгууллагын дарга, захирагч наст даалгасугай.

